

[www.BibleForChildren.org](http://www.BibleForChildren.org)

## मत्तय 8



तीसरा दिन गालील शहरमाधला काना गाव आठे एक लगीन व्हतं, तठे येशुनी माय व्हती, येशु अनी त्याना शिष्यसले बी लगीननं आमंत्रण व्हतं.



जवय द्राक्षरस संपना तवय येशुनी माय त्याले बोलनी, "त्यासनाजोडे द्राक्षरस नही शे." येशुनी माय नोकरसले बोलनी, "हाऊ जे सांगी ते करा."



येशु नोकरसले बोलना, मडकामा पाणी भरा, तवय त्या त्यासनी पुर्ण भऱ्यात, तवय त्यानी त्यासले सांगं, "आते त्यामातीन काढीन लिसन भोजन कारभारीकडे लई जा."



तवय त्या लई गयात द्राक्षरस बनेल पाणी भोजन कारभारीनी जवय  
चाखं, पण तो द्राक्षरस कुठला शे हाई त्याले माहित नव्हतं, पण पाणी  
काढणारा नोकरसले माहित व्हतं,  
तवय भोजन कारभारीनी  
नवरदेवले बलावं. अनी त्याले  
बोलना, "प्रत्येकजण पहिले  
चांगला द्राक्षरस देस, अनी  
जवय पाहुणा पिसन तृप्त  
व्हतस तवय बाशी  
देतस. पण तुम्हीन तर  
चांगला द्राक्षरस अजुन  
पावत ठेयल शे."




येशुनी आपला चिन्हसनी हाई सुरवात गालीलमाधला  
काना आठे करीसन आपलं गौरव प्रकट करं,  
ते दखीसन त्याना शिष्यसनी  
त्यानावर ईश्र्वास धरा.



जवय येशु पेत्रना घरमा गया, तवय शिमोननी  
सासु तापमा पडेल शे, अस त्यानी दखं.



मंग येशुनी तिना हातले स्पर्श करा; अनं तिना ताप निंघी गया;  
अनी ती ऊठीसन त्यानी सेवा कराले लागनी.




संध्याकाय व्हयनी तवय लोके आजारी अनी दुष्ट आत्मा लागेलसले  
येशुकडे लई वनात. अनी शहरना सर्व लोकसनी दारजोडे गर्दी करी.



तवय येगयेगळा आजार व्हयेल लोकसले त्यानी बरं करं. बराच भूत  
लागेलसले चांगलं करं अनं तो दुष्ट आत्मा लागेलसले बोलु दि नही  
राहींता, कारण तो कोण शे, हाई त्यासले माहित व्हतं.



सर्व लोके त्याले स्पर्श कराना प्रयत्न करी राहींतात कारण त्यानामातीन सामर्थ्य निंघीन त्या सर्वासले बरं करी राहींत.



तवय लखवा व्हयेल माणुसले चारजण त्यानाकडे उचलीसन लई वनात.



गर्दी इतली व्हयेल व्हती की, त्यानाजोडे  
जावाले जागाच नव्हती, म्हणीन त्या घरवर  
चढनात. येशु जठे उभा व्हता तठला कौले  
त्यासनी काढी लिधात अनी जी  
खाटवर तो लखवा व्हयेल माणुस  
झोपेल व्हता त्यासनी  
ती खाट तठे खाल  
उतारी दिधी.




मी त्याले बरं करसु हाऊ त्यासना ईश्र्वास दखीसन  
येशुनी लखवा व्हयेल माणुसले सांगं,  
"हे पोऱ्या, तुना पापसनी क्षमा  
व्हयेल शे." "मी तुले सांगस की,  
ऊठ, तुनी खाट उचलीन  
घर जाय!"



मंग येशु नावमा चढना तवय त्याना शिष्य त्यानासंगे गयात.  
तवय दखा, समुद्रमा मोठं वादय ऊठणं,  
ते इतलं मोठं व्हतं की, लाटासनी  
नावले झाकी टाकं, तवय  
येशु झोपेल व्हता.



अनं तो त्यासले बोलना, "अरे अईश्व्वासी, तुम्हीन इतला का बरं घाबरणात?" मंग त्यानी ऊठीसन समुद्र अनं वारा यासले धमकाडं अनी त्या लगेच शांत व्हयनात. त्या नावमधला माणसंसले आश्चर्य वाटनं अनं त्या बोलु लागनात, "हावु कोणता प्रकारना माणुस शे की, वारा, अनं समुद्र बी यानं ऐकतस."



देवनी जगवर ईतली प्रिती करी की त्यानी  
आपला एकुलता एक पोऱ्या दिधा, याकरता की  
जो कोणी त्यानावर ईश्र्वास ठेवस त्याना नाश  
व्हणार नही तर त्याले  
सार्वकालिक जिवन भेटी.



रोम 3:23 कारण सर्वासिनी पाप करेल शे अनी त्या देवना गौरवपाईन दुर  
व्हयेल शेतस.

रोम 6:23 कारण पापना पगार मरण शे, पन आपला प्रभु येशु ख्रिस्त  
यानाद्वारा सर्वकाळना जिवन हाई देवना कृपादान शे.

इब्री 9:27 जस मनुष्यले एकदावनं मरणं अनी त्यानानंतर देवकडतीन न्याय  
व्हणं नेमी ठेयल शे.

इफिस 2:8,9 कारण कृपातीनचं ईश्र्वासनाद्वारा तुमनं तारण व्हयेल शे अनी  
हाई तुमना हातघाई व्हयेल शे अस नही, तर हाई देवनं दान शे; कोणी  
बडाई कराले नको म्हणीसन कर्म करीसन हाई व्हयनं नही.

रोम 10:9,10 कारण, येशु प्रभु शे, अस जर तू आपला तोंडतीन कबुल  
करशी अनी, देवनी त्याले मरेलस मातीन ऊठाडं असा आपला अंतःकरणमा  
ईश्र्वास ठेवशी तर तुनं तारण व्हई. कारण जो अंतःकरणतीन ईश्र्वास ठेवस  
तो न्यायी ठरस अनं जो तोंडतीन कबुल करस त्यानं तारण व्हस.



योहान 3:16,17 देवनी जगवर ईतली प्रिती करी की त्यानी आपला एकुलता एक पोऱ्या दिधा, याकरता की जो कोणी त्यानावर ईश्र्वास ठेवस त्याना नाश व्हणार नही तर त्याले सार्वकालिक जिवन भेटी. देवनी पोऱ्याले जगना न्यायनिवाडा कराले नही, तर त्यानाद्वारे जगनं तारण व्हावं म्हणीन धाडेल शे.

1 योहान 5:11-13 ती साक्ष हाईच शे की, देवनी आपले सार्वकालिक जिवन देयल शे अनी हाई जिवन त्याना पोऱ्यामा शे. ज्याले देवना पोऱ्या लाभेल शे त्याले जिवन लाभेल शे; ज्याले देवना पोऱ्या लाभना नही त्याले जिवन लाभना नही. देवना पोऱ्याना नाववर ईश्र्वास ठेवनारा तुमले अनंत जिवन लाभेल शे हाई तुमले समजाले पाहिजे म्हणीसन मी हाई तुमले लिखी ऱ्हायनु शे.



मत्तय 8-9; मार्क 1-2, 4; लूक 4, 8; योहान 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Ahirani Bible (ahr) © The Word for the World International  
and Ahirani Christi Iswari Mandli, Sakri, Dhule, Maharashtra  
2025

<https://www.bible.com/en-GB/bible/2776/GEN.1.All25>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

